

Incwadi ethunyelwa amalungu e-Bhunga le Overstrand esesikweni

KUSETYENZISWE IIBHAYISIKILI UKULWA ULWAPHULO-MTHETHO

Phakathi ku-Agasti, ikhulu leebhayisikili ezimnyama nezityheli zanikezelwa kwiSAPS, yoMasipala wase-Overstrand kunye nonogada bobumelwane abane abaqinisekisiweyo njengexalenye yenkqubo yothutho oluzinzileyo yephondo (PSTP).

I-PSTP iqhuywa liSebe lezoThutho neMisebenzi kaRhulumente ngentsebenziswano neSeba loKhuseo loLuntu kunye neBicycle Mobility Consortium equlunqwe ngePedal Power Association, Bicycle Empowerment Network kunye neQhubeka Charity.

Ukuncedwa kumlo wolwaphulo-mthetho nakwizame zokuphucula ukhuselo loluntu, iibhayisikili ezisibhozo zinikwe i-OnVerWag neighbourhood watch e-Onrus/Vermont, isihlanu ngasinye sanikwa iPearly Beach kunye neFranskraal NHW ze ezilishumi zikanika iZwelihle NHW.

Izikhululo zamapolisa esiseGansbaai, eStanford, eHermanus naseKleinmond zifumene iibhayisikili ezine isikhululo ngasinye ngeli thuba uNyanzeliso loMthetho loMasipala wase-Overstrand, amaSebe oLawulo lweZithuthi, loMlilo neleNdalo efumene iibhayisikili ezili-15 lilinye.

Umqhubi ngamnye webhayisikili wanikezelwa ihelmethi, isitshixo, impompo, isixhobo sokulungisa ithayara kunye nespanere kunye nesikhokhelo sokuseleko lwesiseko kunye nololongo ukunceda ukugcina iibhayisikili zabo zikhuselekile yaye zilungile.

Ezi bhayisikili zomeleleyo zenziwe ngentsimbi eomeleleyo yaye zinekhono lama-250 kg.

Ngethuba lonikezelo, uTim Mosdell, CEO yeBicycle Empowerment Network, uchaphazele into yokokuba iibhayisikili zinika wonke umntu indlela ethembekileyo nefikelelekayo yothutho enokuthi ibafikelelanise aphe badinga ukuya khona nokukhuthaza ngokunjalo indlela yokuphila elungileyo.

USodolophu wesiGqeba uDudley Coetzee uliqhwabele izandla eli phulo ukukhuthaza uthutho olungenazo iinjini waze wathi wanelisekile okokuba, kwiya elizayo, "inani labakhweli beebhayisikili abashukumayo, abaphaphe kakhulu baya kukwazi ukujongana nokhuselo loluntu kunye nempilo-ntle ngokubanzi".



Col Muneeb Africa (Hermanus SAPS) ukhangeleka ekulungele ukuthatha enye yeebhayisikili "ukuyiqhuba". Ababukeleyo ngaba: Capt Blanche Davids (Stanford SAPS), Col Winston Coetzee (Gansbaai SAPS), uSodolophu wesiGqeba uDudley Coetzee kunye Tim Mosdell.



IKHAYA ELINYE, ISITIYA ESINYE

Inkxaso kaMasipala ngoku ijoliswe ngokubhekiselele ekukhuthazweni kweendawana zokulinywa kwemifuno ekhaya

Kwisitiya semifuno yiNtloko yeQela labavoti yase-Overstrand uMasizole Mngasela (ngasekhohlo), uSavaron Arendse wakwa-Old Mutual, uCeba Arnie Africa, uSodolophu uDudley Coetzee, umnini we-Ohana Environmental Consultants uMelun Jephtha, uMphathiswa wezoLimo uGq. Ivan Meyer, weCreation Wine uCarolyn Martin kunye noAnn Wright.

Ukususela kubhengezo lokuvalwa ngci kwesizwe ngoMatshi, uMasipala wase-Overstrand, ngentsebenziswano kunye namaqabane amaninzi aphuma kwicandelo langasese, amaqumrhu angekho phantsi kolawulo lukarhulumente zasekwe kwinkolo, abe nakho ukunikela ngaphezulu kwezidlo ezisigidi esinye kubantu abasesichengeni e-Overstrand. Oku kungaphezulu koncedo olunikezelwa ngendlela yeSchool Feeding Scheme kunye neprojekti yeehampa zokutya zeSebe loPhuhliso lweNtloko yaye akubandakanyi iminikelo eyenziwe ngamavolontiya athe akhetha ukuqhuba "amakhitsi awo esuphu".

Ngendlela yokubonisa, ekukhumbuleni uSuku lukaMandela, iilitha ezingama-3 000 zesuphu zaveliswa ngosuku ngalunye phakathi komhla we-16 ukuya kumhla we-18 kuJulayi 2020. Ngale ndlela, malunga nabantu abalambileyo abangama-27 000 kwiingqiqi zoluntu olunedisidlo abasuka eRooi Els, eMooiuisig naseKleinmond ukuya eHawston naseMount Pleasant, eZwelihle, eStanford, eGansbaai, eBuffeljagsbaai naseBaardskedersbos babe nakho ukonwabela ukutya okunesondlo. Ie ngame ingummangalisano yaba nokubakho ngenxa yoncedo lwabanikeli abaninzi, kubandakanywa iHemel-en-Aarde Brewery, uZelda la Grange, uDeon Bing, iSia Kolisi Foundation, uRiaan Manser kunye neCape Whale Coast Tourism.

Ukubheka phambili, isigqibo sifikelelwe sokokuba umasipala kufuneka aguqule inkxaso yakhe yemali yamakhitsi esuphu/okutya ibhekiselele ekukhuthazweni uluntu okokuba luseke izitiya zalo zemifuno.

"Nangona sinombulelo kubantu abanninzi, amashishini kunye nemibutho yoluntu ethe yasebenza kakhulu ukuqinisekisa ngento yokokuba akukho namnye umntu oya kulala elambile ngala mathuba anzima, ixesha lifikile lokukhangela ezinye iindlela zokuqinisekisa ngokhuseleko lokutya kwiintsapho", utshilo uSodolophu wesiGqeba uDudley Coetzee.

ISITIYA SOLUNTU LWASEHAWSTON UMTHOMBO WOVUSELELEKO

Kungedlulanga thuba lide emva kokubhengezwa kokuvalwa ngci, iHawston Garden Club igqibe ekubeni ixesha lifikile lokungenelela yenze into ngesimo esibi samakhaya amaninzi athi kwezi ntsuku atsala nzima ukubeka ukutya etafileni.

Ekuqaleni kuMeyi, nje ukuba izithintelo zeCovid-19 zivunyelwe, umcebisi wengingqi wendalo uMelun Jephtha kunye nabanye osoozitiya bazimisela ukuseka isitiya semifuno kunye nezimnandisi kwipropati yeSt Andrews Church eHawston ngasemva kwe-Overstrand Care Centre kunye ne-Ability House. Bencediswa liqabobana lamavolontiya, uMelun kunye neqela lakhe baqalisile ngokucoca umhlaba yaye babanako ukutyalala kuqala izityalo ezingadingi mbewu xa uphinda uzityala nezimnandisi ngoJuni/Julayi ngenjongo zokutyebisa umhlaba nokufumana isichumisi ukulungiselela imifuno yexesha elithile engadingi manzi kakhulu ibe nokutyalwa.

Kule mihla, amalungu oluntu, okuphambili amabhinqa, afunda ukuzenzela isichumiso sawo ukulungiselela ukutyalwa nokukhulisa ukutya kwawo.

Kutshanje, iphulo loRhulumente weNtshona Koloni "i-One Home, One Garden" ifikelelel kwingqwalasela yoonogadi baseHawston, licele ooceba beWodi 8, uElнора Gillion kunye no-Arnie Africa, ithuba lokubonisa isitiya sabo xa athe kwixesha elizayo uGq Ivan Meyer, uMphathiswa wezoLimo weNtshona Koloni, watyelela i-Overstrand.

Ekuqaleni kuka-Agasti, umnqweno wonoogadi wazalisekiswa yaye uMelun ube nethuba lokuchazela abathunywa, abakhokhelwa nguGq Meyer, okokuba isahlulo semifuno eveliswa kwisitiya iya kubhekiswa ekwandiseni inkqubo yesondlo yendawo esebumelwaneni ekugcinwa abagulela ukufa. Uchaze ngokunjalo ngendlela yokusetyenziswa kwemveliso kwiya elizayo okokuba inganani napho kuthe kwakho intsilela inakho ukuguqulwa igcwayelwe, ibe yijem, inkonkxe eya kuthi ithengiswe kwiimarike zamafama kunye/okanye kwiindawo ezithengisa ukutya.

Aba noogadi boluntu bemke neminikelo emininzi yembewu kunye nezichumisi kunye nesithembiso sokokuba iSebe lezoLimo kunye nobuchule obukhoyo kwi-Elzenburg buyafumaneka ukulungiselela okokuba isitiya soluntu abathe basiseka ngegalelo labo liya komelela ngokomelela.

Nawuphi na umntu ongathanda ukuxhasa onooogadi baseHawston wamkelele okokuba athumele i-imeyile kuMelun kule dilesi melon@franklinchana.org.za okanye ku-Ana Wright kule dilesi annwright@telkomsa.net.

ULUTSHA OLUNGENANGQESHO NGOKU LUBANDAKANYEKA NGAMANDLA KUMLO WECOVID-19



Nangona kubekho iinzame ezivela kwicala likarhulumente zokuhambisa umyalezo wokokuba ukuthintelwa kwempembelelo yeCovid-19 kuxhomekeke kuye wonke umntu olandela imithetho elula - okt. ukunxitywa kwemaski nokugcinwa kwesithuba esaneleyo phakathi komntu nomnye esibuncinane buyi-1.5 yeemitha xa uphakathi



engaqhelekanga: Kutheni kunganikezelwa ithuba lokokuba lube ngabathunywa kumlo weCovid-19?

Phantsi kwemiqondiso yeSebe leSizwe le-Environment, Forestry and Fishing, abalungeelanisi bakamasipala beNkqubo yoLutsha yoFikelelo kuLuntu bachwechwelela okokuba bancede bafune abathunywa bendalo abangamashumi asibhozo anesibhozo kuyo yonke ingingqi njengesongezelelo seprojekti yesebe enguThuma Mina Good Green Deeds.

Isibonelelo esikhoyo apha sesokuba abafuniweyo kufuneka babe bahlala kummandla abahlala kuwo apho baza kufezekisa imisebenzi yabo yobuthunywa njengoko bengazokuba ngabafiki kwingingqi yoluntu lwabo.

ICandelo loPhuhliso loQoqosho lweNgingqi yase-Overstrand linikele ngesidima ukuqquzelela uqeqesho nokubekwa "komkhosi wolutsha", yaye ngoku i-Overstrand inabathunywa bolutsha beCovid-19 abangamashumi amabini anesibini abanikwe isigunyaziso sokusebenzisa zonke iindlela ezifunekayo ukuphakamisa amanganaba olwazi kwingingqi zabo nokusasaza ulwazi olumalunga nalo miqathango yothintelo eyimfuneko ekinqandeni impembelelo yentsholongwane ikhona.

kwabantu - abanye abantu basala ngokunjalo ukusebenzisa nale mithetho.

Emva kokusetyenziswa kwazo zonke iindlela eziqhelekileyo, kubandakanywa namajelo eendaba, zokuhambisa umyalezo obalulekileyo kwingqwalasela yoluntu, ulawulo lwentlekele loMasipala wesiThili sase-Overberg luze nembono kulutsha olungenangqesho



INDAWO YOKULAHHLWA KWENKUNKUMA E-BETTY'S BAY IZA KUVALWA

Ukususela ekupheleni kuka-Oktoberha 2020, indawo yokulahlwa kwenkunkuma ekufutshane nethala leencwadi laseBetty's Bay ayisayi kusetyenziswa.

Njengoko kubonisiwe kumfanikiso ongasezantsi, "ukuthatyathwa komgqomo" nenkunkuma ephethshethwa ngumoya idala umonakalo ombi empilweni kuye nabani na otyelele ithala leencwadi yaye inokutsala ingxaki yezilwanyana eziphangayo.

Ekubhengezweni kokulahlwa kwendawo, uCraig Mitchell, uMlawuli woMasipala wase-Overstrand: woCwangciso lweNkunkuma eqinileyo, uthethe imeko yaseBetty's Bay ayahlukanga kwezinye: "Kubalwa Rooi Els, Onrus kunye neSandbaai, le yindawo yesine encinane yokulahlwa kwenkunkuma esinyanzeleke okokuba siyivale ngezizathu ezinye kule minyaka isndula ukudlula."

Ukhumbuze abahlali baseBetty's Bay okokuba inkunkuma yasekhaya iqokelelwe ngoolweziBini (Jock's Bay & Sunny Seas) nangolweziThathu (Betty's Bay Main) yaye ucele bonke abahlali okokuba basebenzise imigqomo yenkunkuma ezivalela ngi izilwanyana yaye kufuneka bayikhuphe inkunkuma yabo ngeentsuku ezimiselwe uqokelelo.

Inkunkuma engaphezulu inokulahlwa eKleinmond Transfer Station, kubandakanywa nenkunkuma yasegadini kunye nenkunkuma enamatyhe yokwakha.

Amashishini eendawo zokutela naworhwebo adinga uthutho rhoqo lwenkunkuma ngaphezulu kwesithuba esinye ngeveki okanye imigqomo eyangezelelweyo yenkunkuma makelekile okokuba enze amalungiselelo kunye nolawulo lwawo lwengingqi.

Ukufumana iinkcukacha ezingaphezulu ngemirhumo yeenkonzo zenkunkuma ezangezelelweyo, tyelela iwebhusayiti esesikweni yoMasipala wase-Overstrand kule dilesi www.overstrand.gov.za, cofa kwiStrategic Documents ze uye kuHlahlo Lwabiwo-mali yihla uye kwiSihlomo C (iiRafu neMirhumo).



DLALA NGENXA YOKUTHANDA UMDLALO - yaba ngumyalezo xa uMlawuli woMmandla waseGansbaai-Stanford uFrancois Myburgh, uSodolophu wesiGqeba uDudley Coetzee nabeRotari uMalcolm Bury, uLana Coates, uSandy Pillans kunye noDai Parker banikezela ngebala elitsha lebhola yomnyazi kwikapteni u-Anchelle Damon kunye neqela lakhe.

IQELA LOMNYAZI LASESTANFORD LIZIMISELE UKUQAQAMBA KWIBALA LOKUDLALA LASEKHAYA

Nangona kubekho ulibaziseko olukhulu, iStanford Netball Club yonwabe kakhulu ukwamkela eli bala apho iqela liya kuba nakho ukuzilungiselela amathuba amaninzi kangangoko lifuna ze libe nakho ukusingatha iitumente.

Eli bala litsha lebhola yomnyazi, elisecaleni kwebala lebhola ekhatywayo eBezuidenhout Street, labanako ukufezekiswa ngenxa yothelwano phakathi kweeRotary Clubs eyaseStanford naseKnoxville (ingakumbi uFrank Rothamel kunye noKathryn Johnson) ngoncedo lomnikeli wehlabathi ophuma kwiRotary Foundation.

Ngomhla we-13 ku-Agasti 2020, ilungu leRotari uLana Coates weStanford Rotary Club unikezele ngokusesikweni ibala lebhola yomnyazi elitsha kuMasipala wase-Overstrand.

USodolophu wesiGqeba uDudley Coetzee usebenzise eli thuba ukubulela iklabhu ngokuzinikela kwimpilo-ntle yabahlali baseStanford waze wangwenelela ukapteni webhola yomnyazi, u-Anchelle Damon, kunye neqela lakhe impumelelo eyonwabisayo.

IZIKO LEZITHUTHI LASEHERMANUS LIZA KUQALISA NGOKUVAVANYA NGO-OKTOBHA

Ukususela ngomhla we-19 ku-Agasti 2020, amaxesha amiselweyo alungiselelwe ukuvavanya lwamaphepha-mvume okufunda ukuqhuba nawokuqhuba ngokusesikweni anako ukumiselwa kwakhona njengoko uvavanyo olusesikweni luza kuqaliswa ngo-Oktoberha. Qaphela, ngokunjalo, amaphepha-mvume okufunda ukuqhuba ebephelelwa phakathi komhla wama-27 kuMatshi nomhla wama-31 ku-Agasti 2020 aya kuhlala esebenza de kube ngumhla wama-31 kuJanyuwari 2021.

Ukwenza isicelo sephapha-mvume lokufunda ukuqhuba, kufuneka uze:

- Amafoto amabini encwadi yesazisi
- Incwadi yakho yesazisi/ikhadi
- I-R68 njengomrhumo wesicelo
- Ubungqina bedilesi yakho

Ukwenza isicelo uvavanyo lwephepha-mvume lokufunda, yiza noku:

- Amafoto amabini encwadi yesazisi
- Incwadi yakho yesazisi/ikhadi
- Iphepha-mvume lakho lokufunda ukuqhuba
- I-R135 njengomrhumo wesicelo olungiselelwe izithuthu kunye nezithuthi exincinane
- Ama-R200 njengomrhumo wesicelo olungiselelwe izithuthu ezikhulu
- Ubungqina bedilesi yakho

U-ESKOM ULUNGISA UKUCIMA KOMBANE OKUSOLOKO KUQHUBEKA EGANSBAAI-STANFORD

Phakathi ku-Agasti, uSodolophu wesiGqeba uDudley Coetzee, uCeba Riana de Coning kunye nenani lamagosa kamasipala uhlangene nabameli baka-Eskom ukulungiselela ukuxoxa ukucima rhoqo kombane ka-Eskom kunye nempembelelo yomphumela ngoko.

Umandla waseGansbaai-Stanford ngakumbi usoloko ungenambane isithuba seentsuku ezininzi ngenxa yokutsha kweepali kunye nophondo lwentsimbi. Umphumela othe ngqo ngowokuba abahlali ngokunjalo balahlekelwa lithuba lokunxibelelana ngemfono-mfono okanye ngeselula.

Lo mba waqala waqwalasela ngoDisemba 2019, ngelo xesha u-Eskom wangenisa ishedyuli yolongo ukusabela. NgoJulayi kulo nyaka, uluntu kwakhona lwaphakamisa inkxalabo yalo lucela okokuba kufuneka kufunyanwe isisombululo esisebenzayo nesamkeleke kuye wonke umntu ukulungisa le ngxaki njengomba onxamileyo.

Ngesithuba sentlanganiso yeziphumo eyayibanjwe phakathi ku-Agasti, u-Eskom uqalise ngokuhlola zonke iipali zakhe zombane ukususela eBot River ukuya kutsho eGansbaai ngokunjalo nesixokelelwane esithutha siyokutsho eKleinmond. Njengexalenye yenkqubo yolongo olushedyuliweyo, uqalise ngokunjalo ngokufakela zonke iipali azirhanelayo nokwazisa umasipala ngokunjalo noluntu kwangaphambili ngophazamiseko lombane xa kufakelwa ngokutsha iipali.

Kwelakhe icala, umasipala ucele okokuba iipali ukhetha okokuba zikhutshwe kufakelwe ezintsha ezentsimbi yaye zonke iipali esele zikhona ziqiniseke ngeentsontela zentsimbi ezine-ankile apho ezi zingekho.

U-Eskom uqikelela into yokokuba uvavanyo nokufakelwa kweentsimbi ezine-ankile kwiipali esele zikhona kufuneka kuqunjelwe ngoMatshi 2021. Nangona kunjalo, ukufakelwa kweepali ezintsha kunokuthatha ixesha elide kuxhomekeke kwinani leepali ekufuneka zifakelwe ngokutsha nakwinkxaso- mali efumanekayo.

Ukunikezelwa kwesangqa esinikezela ngombane kwaxoxwa nako, kodwa iindleko zesixokelelwano esinjalo, esiya kuba zindleko zikaMasipala wase-Overstrand, azibanga nakufikelelwa ngokwakaloku nje.